

近代中國史料叢刊續編第二十九輯
沈雲龍主編

浙中髮匪紀略

李應珏著

文藻出版社
有限公司
印行

浙中髮匪紀略

浙中髮匪紀略

化州李應珏玉山皆

杭省為四戰之地。衢州南通福建，西達豫章，嚴州左界安徽。湖州近連蘇常嘉興，枕逼松江。其受敵恆與四省相終始。髮逆之亂，杭城一再失守。初次賊由湖州乘靈驪至，不及守禦而陷。越六日，張玉良亦由湖州來，賊去而復。再次賊由嚴州來，攻相持兩月而陷。其復也，左侯亦由上游節節猛進。李鴻章用洋人迭復甯紹各邑，合中外軍於城下而拔，而嘉興直

至蘇松收復始能制勝湖州竟俟金陵底定始克蓋平蓋地
勢倏然也初賊首洪秀全由廣而趨兩湖踞江甯徧陷江蘇
安徽江西湖北諸郡縣遠及直隸山東河南陝西上及天津
惟各僻地未暇騷擾浙省無事歲餉金陵軍七十萬月給上
海軍四萬及賊由徽甯漸逼安浙軍乃守威坪是嶺關千秋
嶺各隘專供徽甯糧械倚為屏蔽金陵援兵絡繹常月給十
餘萬嗣徽甯饒廣盡失於是衢防遂重咸豐戊午春石達開
貳於金陵由江西圍衢州西陷常山開化南陷遂昌松陽三

月二十七日入霅州於是巡撫晏端書減糶常平昌穀截留
漕米十九萬裕餉檄霅州鎮饒廷選金衢道繆梓集兵二萬
固衢遣溫霅道俞樹風溫州鎮葉炳忠率各軍剿處另遣李
定秦七千人由遂昌馳救金陵大帥和春亦遣總兵明安周
天受來援明安軍由蘭谿金華赴縉恣行擄掠婦女多乘馬
過市抵桃花嶺為土民擊潰五月李定秦分三路克復壽昌
六月復會道負李元度率楚軍由河口入屏風關敗賊曾會
關克復常山江山總兵秦如虎亦復開化於是賊由松陽竄

閩復曰江西衛被賊掘地道圍城者九十一日矣時溫州府
王景澄率軍屯青田詠練分扼永嘉瑞安樂清平陽泰順各
隘溫屬多賴保存即於六月十五用內應克復慶州府城周
天受亦遣軍尾賊復武義永康縉雲宣平龍泉及賊所經各
邑此戊午賊初入衛處旋即收復是也越二年庚申賊因去
冬金陵官軍克復九洑州乃遣偽忠王李秀成偽侍王李世
賢率萬人由南陵趨甯國廣德入浙為圍魏救趙之計三月
初八日賊由廣德趨東亭陷安吉十二日又由泗安陷長興

時李定秦率軍萬二千人有杭有議令其出獨松關分扼泗
安東庭兩路并屯百丈關以固邊圉者而軍已由湖州援安
吉敗於梅^溪退守湖州矣賊十九日直撲湖城紳士趙景賢率
練軍固守於是分黨千餘向太湖夾浦窺省城十七夜後山
經陷武康十八日走勾庄夜焚良渚十九日黎明數十騎已
入武林門官軍始覺跡之不得蓋自上年江皖借浙貢院舉
行鄉試賊已混至洞窺靈寶欲於是日大士誕戕大吏於天
竺而不知故事前一日已預祝時杭城除滿營外有撫標二

千餘鹽使傑勇三百圍局勇三百都司姚發科勝勇五百城外又有江南所募江西勇二千未去倉卒守禦賊分圍武林錢塘湧金清波四門二十一日臬使段光清率勇四百自獨松關入援寧紹台道仲孫懋興勇二百助之二十二日賊登玉皇山為繆梓軍擊退二十五日賊於湖上五營十餘光清率江西勇三路出戰敗績賊營鰓山取淨慈寺羅漢環壘執旗城上燬多為所誤各路聞警援師四出張欽差芾遣職提督朱興朝自徽來頓兵富陽撈掠為鄉民殺潰金陵大帥和

春兼辦浙江軍務亦遣提督張玉良來二十二日前鋒副將
向奎率千五百人至平望由海甯進屯清泰門外與李定泰
湖州旋軍皆隔於賊不得入二十四日張玉良率勇二千至
蘇大府欲留駐嘉湖陰為蘇障故泥之行二十七日賊於清
泰門外西竺菴用地雷轟塌城垣數丈一湧而入於是省城
遂陷訂守城僅逾八日巡撫羅遵殿辦團侍郎戴熙暨司道
府縣多死之是仍退出二十八日始盡入城紳民遷僻者不
及十之二三將軍明瑞與都統來存佐領傑純率勇婦登旗

城固守三月初二日張玉良由湖州至賊喜金陵大營中其
計急棄城回攻越一晝夜張玉良乃踰良山門入賊由湧金
清波門走平窰出獨松關由臨安孝豐徑回金陵初八官軍
復臨安十四復孝豐十五復長興而賊已於三月內乘虛攻
潰大營進陷江蘇矣其年因徽州陷賊再於九月初六陷高
安初七嚴州十月陷富陽臨安餘杭之樸省城俱為傑純軍
擊退十月十五日叔復餘杭張玉良率嘉興潰卒與賊連戰
三晝夜亦於十一月初八克復嚴州金華知府程兆綸亦克

復壽昌此庚申賊初破省城旋即收復事也浙江向倚金陵
為屏蔽於嘉興不甚措意二月捨船導賊陷海鹽平湖復而
旋失舟陷乍浦副都統錫齡阿陣亡三月蘇州既陷浙西益
震張玉良自蘇州乘腳漿船一日走至杭將卒潰者三萬四
月待逆李世賢敗後督江長貴軍於平望二十六遂破嘉興
教授兆輅訓導張詠死之撫臣王友齡乃加十倍賞紹捐餉
為玉良治糧械令收潰卒萬二千規復嘉興六月玉良進軍
三塔灣日夜趨內薄攻城七月十七轟破南門賊半逃以阻

水不得入二十日湖勇遁賊各鑿春舟奔水師亦亂張玉良
遂抵石門知縣李宗謨請駐守良佯諾宵遁次日石門陷謨
死之於是嘉善桐鄉俱陷而浙西由海寧達上海之路遂阻
矣此庚辛兩年入嘉興事也浙自庚申陷後嘉興雖失而湖
州未破張玉良在嚴興李定秦衛防接應臘間各復江山常
山等屬富陽亦旋失旋復浙東金衢尚稱完善自徽再失饒
信不固而浙事復棘矣辛酉三月二十五李世賢自玉山陷
常山別黨范汝增陷江山五月初范復由湖口破遂昌松陽

靈州總督宣平知府李希郊陣亡各城旋即恢復李世賢黨
二萬圍李定泰於衛城六日不下亦棄衛去由靈山破龍解

湯鎔犯金華臨安壽昌武義俱失王良時率嘉興潁平屯
鎔金華府王桐乞師良率百騎至議拆毀附城橋梁與圍紂

不合遽返十九日賊六騎先至府城奔潰世賢乃分黨守之

時曾欽差國藩兼辦浙江軍務無兵可援王撫乃令食江

西餉之嚴州鎮文瑞率三千人往并令米興朝等以二千人
為後又給圍首何文慶銅項糧械令以五千人隨行五月初

一攻諸暨適何劍蓮花教謀叛文瑞乃令遊擊曾得勝率千
人先討金華李順街曾玉良在蘭谿軍士與鄉民互鬪死傷
二千人擄船奔走賊乘勢進陷蘭谿於是文瑞退守浦江米興
朝等退守嚴烏六月初一賊陷義烏已突過查林蘇溪諸暨
敵諭輯煌抗之善坑嶺賊不得過乃棄義烏去七月米興朝
等復義烏并滅東陽土匪陳上達七月初四賊攻五麓嶺犯
浦江文瑞分防浦隘五千人皆入城固守王撫乃令饒廷選
率蘭谿潰勇六千援浦此卒而賊入金華事也自賊入金華

後新調浙江布政使林福祥由戈陽募定軍三千同知陳大
力率新湘勇一千知縣張振新率新寶勇二千先後抵衢時
龍游雖無踣賊而衢杭陸路已梗城中兵勇數千多貸食民
閩浙軍無所得勢同水火有謂福祥過馳杭省同入囊中不
若收陳張二軍為左右翼從龍游水陸進攻蘭谿逼金之前
派衛軍出湯谿襲金之後使賊勢分則下游之禍自解者林
不聽各分隊抵金華與賊相持月餘會李世賢築壘烏石方
門圍副將羅大春於嚴州數旬八月十七羅遁嚴破於是林

張陳各軍皆奔至義橋爭舟以濟久之乃移守諸暨其援浦
之軍七月十四前鋒五百潰於鄭義門廷選敢進逾數日隨
運使莊煥文率千人至閩省道負張啟燧率雲霄勇千人繞
道處州亦至選乃整隊再發五日行八十里八月初二再潰
於鄭義門於是紹興遂急時省中無兵可遣王撫令副將楊
余榜率振五軍千五百營於諸暨城南五紋嶺饒莊潰軍營
城東金雞山及城西七岡嶺軍資盡失僅築土牆三尺以蔽
風雨文瑞知無援八月初四衝出走桐廬山中賊陷浦江遂

分路犯諸暨會偽來王由浦江富陽山路出和尚嶺勾通八
漿礮船渡林浦二十四日陷蕭山我方防南而賊已繞出北
路於是林鏡莊楊諸軍皆相繼回省二十六日賊陷諸暨知
縣許璠尤死之諸暨失後紹興團練大目王履謙方與知府
廖宗元彙修小怨縱勇歐元賊至一聞而散遂并陷上虞此
辛酉賊由金入紹事也浙自辛酉以來湖州久困海寧僅存
惟賴紹路可四達鉤源所出是紹亡省城遂圍十月初二賊
自餘杭至慶春門繞清泰門楊金榜時屯饒頭山開隊六放

出學西湖賊從淨慈寺還襲其營戰死偽聽王陳炳文於羅木營結五壘初五日張玉良偕文端諸軍自富陽返破之旋復營築遂合圍十門於清波外及鳳凰山夫木實土開絕圍擊十九日張玉良中流礮卒初王撫故斬玉良餉嘗遣饒廷漢就蘭谿殺之不果至時有謂為城內礮斃者乃以陣亡聞十一月城中糧盡米升值銀一兩集錢十餘萬串無可購礮義倉穀七千石并殺馬驢餉士初九日林福祥誤信望江門後誠出為所敗武林錢塘清波門外各營皆投二十八日糧

盪潰散蓋守城已五十六日矣已刻賊由各門梯入巡撫王友齡學政張錫庚及文端鏡廷選等多死之王友齡遺疏稱紹興失而杭州不守咎由團臣王履謙臣死不瞑目李秀成以禮殮王張文三人賞遣新舊藩司林福祥麟趾獲其樞并眷屬親兵五百人送之上海十二月初一滿城亦陷將軍又瑞自焚都統傑純暨滿城男女皆殉初三日賊遂破海甯由嵯奉兩縣攻陷甯波當八九月時江西李元度安越軍八千聞繼兵林文察臺勇二十俱已至衢再接杭急報頓兵龍勝

丙午不許立時乃移屯江山顧循閩劍道此年百賊再陷
仇者事也浙省一再陷後家台皆旋復旋失惟湖州自庚申

正月被圍趙景賢東蘇常西障寧廣庚申四月道負蕭翰

慶卒勇七十出常趨湖抵距城二十里之同心橋潰亡遠近

震動景賢必無擇色逾月派練由鶯脰湖梅堰兩路收復平

望會軍未市湖遼稜嘉興冬間賊鏖戰城下四十餘日圍甫

解後復率練攻廣德援杭省威名藉甚至省城再陷傳自

葉城赴楊尾程道任帶去任戌二月猶敗賊七里亭賊令長

圍困之至五月初三糧盡千總熊德勝通賊城陷凡守二年
有半賊執景賢至敬之甚不屈又逾年乃就死此則賊困湖

州三年糧盡城陷之事也省城再陷後全浙僅存者惟衢溫
兩郡城及定海石浦龍泉慶元泰順而已時左侯未至賊由
處撲溫并欲乘勢攔入閩境於是閩督慶瑞於壬戌二月移
駐蒲城奏云遂昌踞賊添集二三萬欲由龍泉抄出松溪犯
閩境松陽之賊亦分途上竄總計兵力備防有李泰七千左
撫進政聞化八十遂為聲援江山常山已派李元度八千扼

紫片金參將薛師率閩兵千五百有在峽口駐守蒲城一路
先經派總兵關長齡等節鄧防守江山蒲城等處小路紛岐
又添募祝善銓等勇三千協防而龍泉松陽政和三路僅有
林文察等勇四千參將楊三益等勇三百尚形單薄松政精
有疏失水路可達建甯陸路可趨福甯不但閩省可慮并恐
由建陽崇安旁竄江西截浙軍後路現徽同知趙均添募興
化險勇一千并催曾元福臺勇三千馳來聽調臣親軍不滿
二千現移浦城尚恐調度未靈又賊猛撲温州秦如虎餉繼

兵單恐未足當敵云云蓋時兵勇三四萬月餉恆二十餘萬
此浙陷後閩省防堵事也天心厭亂貞元剝復壬戌正月左
侯宗棠乃率軍由江西入浙初左侯於上年十月奉命以
太常卿督辦浙江軍務越二月授浙江巡撫而省城早陷上
將全沒矣時朝命屢促左軍入衢而左衢為賊長圍所困
乃奏言現時既不循全明故道自廣德泗安安吉入獨松關
直搗省城自當由徽歙窺嚴州為根本顧欲窺嚴州必先復
開遂以絕後顧欲復開遂必先扼華埠以通衢防方為萬全

惟自軍除募未到外現不滿九千人分向遂安開化外隨戰
不過五十人徽信兩防雖歸臣節制而兩處正在吃緊未能
移劄衢州李定恭江山李元度兩軍李世賢由遂昌猛撲方
急亦未可恃前奏調益澧一軍非由廣東清給欠餉不能進
劉培元新募一軍非由湖南給發行賞不能來又甯紹台等
論設非邊台迅購洋人船礮不足佐臣軍之不逮皆嘉
納乃設糧台於玉山掃清敵孽前進溫處軍事由閩軍以堵
為剿台甯由紋家紳士募洋人辦理此左侯初入浙之事也

壬戌正月十五左侯既敗楊輔清肅清徽郡乃親率七營曰

江口踰大鑄嶺進樟村令劉典率五營由江灣踰嶺進何村

王開來率七營由白沙關進篁岸扼開化華埠之衝各相距

二三十里裹數日糧三十日肅清開化縣境乘勢趨馬金街

進剿二月初九各軍分路攻克楊村即夜拔還安城派道員

王文瑞等二千五百人守之二十日賊由瀘安偕遂安城東

五十里之梓桐源城北二十里之墩頭連日迭戰二十七日

賊衆五六萬直至城東築壘布竹簽以阻我師我軍視其懈

衝擊賊大敗先時李世賢率巨股由金華龍游犯衢扼招賢一帶隔絕常山江山道路將以長圍拔衢州圖襲我軍之後二月十八左侯乃追軍之常山水南十九分左右路攻克後招賢李逆復調金華巨股逼江山時李元度守江山乃率十營會同左軍分路進剿迭敗賊於碗窰清湖等處三月初五賊據峽口閩軍退守浦城賊下自清湖花園上至峽口鳳林連營數十里左侯以其地可達閩之浦城浙之龍泉江西之廣豐玉山最要十五日親率諸軍進江山之石笏十八日血

戰於石門花園港等處二十一日諜知偽對王春元大股由

衢州西北來援我軍有腹背受敵之勢二十二日復分軍力

戰黃少春三傷不還連破七壘二十三日洪春元已至雙橋

二十五日我軍一面進攻老巢一面迎剿援賊而賊已向上

台毛村四守龍游歙壽昌諸賊築壘於衢州東北之蓮花一

以抗我軍矣時賊以金華居浙省之中倚為老巢守龍游壽

昌蘭谿為犄角湯谿宣平徧布賊黨復大股屯松陽猛攻平

陽瑞安圍入閩境牽制左侯方剿浙北之賊規取龍游楊輔

清忽糾巨黨由威坪發遂安大隊已抵遂界首東亭左侯乃
令劉典由華埠馬金口抵昏口親統大軍由常山駐開化四
月十四賊始由淳安竄昌化而去其時壽昌龍游之賊聞官
軍赴開遂一路復上徧衢城左侯乃令劉典復華埠向常山
赴剿五月初四我軍甫抵衢城西北李世賢大股已由龍游
蘭谿壽昌上犯於北路夾口至盈川一帶連營三十餘里又
於南路石室街安仁埠等處築壘為犄角其北路昆連遂開
常等處與我軍相接賊勢尤重左侯乃令處州鎮劉培元三

千二百人進常山調江西道負王德榜屈蟠兩軍進江山縣
之後溪以防石室之賊親率各軍由北路進剿又令李定泰
等憑河堵截東路安仁街之賊橫竄十二日我軍九路並進
鏖戰兩旬賊始回竄龍巖六月左軍將進攻龍巖忽報李世
賢又率大股由高安至遂安之東亭左侯乃令劉典率馬步
九營即夜由嶺路馳往遂安與王父瑞一軍協守又飛檄知
府知府魏喻義帶勇二千由常取道華埠馬金屯扼昏口防
其上竄十八日李世賢騎賊數萬分兩路撲遂安城我軍侯

其進城轟之賊方轉而南忽江西援師由僻路馳至賊乃大潰仍回金華此左侯初由徽甯復開化克遂守衢州賊曰龍游徧徇由淳安徧遂圍襲我軍前後者五六次血戰半年之事也七月十六左侯令王文瑞守遂安魏喻義駐昏口自率各營進剿龍游龍城小而固東南北三面平行前此李元度守徇進徧城下賊開濠五道密排梅花椿置犬繫鈴以防潛越自秋迄冬攻之弗克此次賊倚為門戶益率黨數萬分踞南岸之湖鎮羅埠北岸蘭谿所屬之永昌鎮袁家堰等處互

相犄角左侯乃令劉培元三千二百人進龍游城西十里之
圭塘山以副將陸金城四營助之又調屈蟠王德榜兩軍扼
全旺為培元後援另遣總兵崔大光四營屯龍游城隔河北
岸之茶壩親率各軍駐距城十五里之潭石望策應復遣按
察劉典馬步十營軍高橋截剿援相持數旬未克左侯奏言
臣軍除分防各處外可以雕剿援賊者不過五千人又疾疫
相繼每接仗不能出隊六成而賊南北岸互相牽制不得不
審慎以圖八月三十日李世賢糾黨五六萬復由永昌合壽

昌距賊出犯上方嶺立侯以上方緊接遂安西通開化常山
南達衢城顧諸軍多為龍游賊牽制正在危急適蔣益澧十
七營已抵衢城九月初六乃令所部副將熊建益三千人扼
上方嶺由總兵高陞三千人由梅嶺直攻壽昌立將壽昌城
克復北路賊巢肅清維時南岸五里街等處悍賊尚不下款
萬其地又當龍游蘭谿之衝於是令蔣益澧全軍渡河進剿
劉興仍駐油埠為後援二十六日羅埠賊酋偽宗王李世祥
乞降於是高路賊巢亦肅清左侯乃進駐新涼亭距龍游城

五里濬長濠引溪水灌賊城以江西五千斤銅心木壳大礮
用二十七斤開花礮子轟擊又令蔣益澧田羅埠進攻湯
溪劉興仍扼油埠湖鎮以防金蘭援賊九月初十劉培元於
游東門外寶塔嶺添設三壘俯瞰賊營賊連日拚死出戰自
晨至夜死傷七八百人其湯谿一軍將益澧會同福建調來
之知府康國器粵勇三營亦連撲城垣未克適蘭谿賊潭星
光率黨萬餘來援湯谿結八壘於江坑花園一帶距羅埠三
里十二日益澧三路敗之羅埠至蘭谿道路遂通時

守

龍湯為金華門戶蘭谿水直達嚴州尤倚為犄角築木橋地
鐵環濠數十里官軍距賊城壘一里半而營大小數十戰數
月不能克幸金陵大營頻獲勝仗將益還無庸遵 旨赴旋
不至掣動全局左侯乃令魏喻義自遂安率二千人移屯建
德之銅關距嚴六十里又率千人魏招民團分拔壽昌之楊
溪賊卡又遣劉興一軍力攻蘭溪以分賊勢十月十三嚴賊
譚富傾巢來撲魏喻義先一日率軍潛由洋溪移鍾嶺下伏
擊其前隊五百人後隊萬餘賊望風奔竄次日一面退守洋

溪以弛其備一面用降匪江山船總女王計遣船潛下南門
大河斷賊水道又派馬隊由北門繞過東門斷其下竄適賊
他往遂於是昇雲梯潛抵西門一鼓而登嚴郡既克金華右
臂已斷於是湖絃兩郡賊酋偽戴王首王梯王等率各黨自
金華地西至酤坊開化村白龍橋一帶未援湯谿連營數十
里新昌嵯縣諸暨浦江各賊與蘭賊潭星光合亦自縣北將
軍展大寇谿至溪西一帶未援龍游連營數十里顧兩城被
圍數月食且盡李世賢自上年田桐廬分水竄漂陽保護逆

眷回救金陵人久矣不至於是勢漸衰弱癸亥正月十二龍
游賭賊遂啟東門向湯谿一路狂奔而湯谿先一日已經蔣
益澧用降酋彭禹蘭計收復矣湯龍既復金華距賊聞風逃
走其蘭谿城賊亦於是日潛奔此左侯圍攻龍湯蘭數月不
下既而先復壽嚴迨三城同克金華不攻自走之事也四城
復後羣賊衆膽首梯戴三偽王由義烏退守諸暨譚星率蘭
谿潰賊退浦江癸亥正月十八劉璈等自白馬橋克復浦江
劉典由牌頭進攻諸暨暨城枕山襟溪明師進取杭溫皆力

爭其地二十二夜黃少春掩至城外二十里賊大懼乞降遂
將縣城收復諸營復後譚星一股由桐廬趨皖南圖掣我軍
之後餘賊逸竄紹興偽首王范汝增扼守義橋二十三日賊
首何文慶由紹未犯高連陞正在抵禦東陽永康賊萬餘又
脚尾而至連陞合諸軍奮擊追至應店街首梯戴三偽王乃
由義橋登舟下窺其桐廬之賊先在沿江脩築石壘甚熾左
候令劉培元陸軍合魏喻義水師順流而下二十九夜亦將
桐廬城克復於是杭州上游為賊屏蔽者僅富陽一城而已

左侯乃疏言劉典追賊已抵富陽城當杭之西距省城僅八
十里蔣益澧所部高連陞熊建益已由臨浦義橋蕭山而前
當杭之南距省城亦不過數十里若乘勝長驅杭州糧少城
孤無難速克惟譚星股已與花旗流賊合由於潛昌化竄入
皖南必將勾結太平石埭諸賊擾我後路其偽戴王黃呈忠
等聞已向富春渡江意在與李秀成合犯江北莫擾畿輔掣
動金陵大局現飭蔣益澧全軍規杭輟其北竄之謀臣所部
除分駐金華外俱隨臣進駐嚴州州劉典一軍仍暫回嚴州圖清

皖南并檄劉培元三營赴馬金街會王德榜軍相機截剿再由臣軍分撥八營扼紮潛安縣之港口茶園以遏潛遂之衝一面申檄各營勿貪省城克復之功勿憚江皖紆遠之勢總以殺賊多寡為勞績高下自是取杭之勢在掌握矣富陽城背山面江左嶺右谿西接七里瀧東屬錢塘江水濶壘堅新城蕭山賊併萃其中以戰船數百艘溯流上拒二月初六日左侯令副將楊健謨等率師船自桐廬分兩翼疾下頭隊繞向南岸直攻中間被脅兵勇投誠反攻於是駐營南岸高連

陞自義橋來亦自南岸上游渡江賊於西門修卡又於城東
北之新橋築數壘為犄角二十四日蔣益澧移駐新橋田
壠與賊隔水而軍并令高連陞熊健益為左右犄角賊大隊
攻左我軍稍挫賊遂并撲中右益澧乃命徐文秀等伏於抵
田周廷瑞等佯敗誘擊高連陞復以大隊促之賊大敗會暴
漲左侯以地勢遼濶後阻深潭難以趣戰又自富春江下潮
汛甚大舢板身輕不能駛運乃調甯波水師布興有等艇船
并令甯紹台遺史致謬僱烏山船十二隻鼈子魯入錢塘江

助剿復令楊鼎勛駐守桐廬以通鮑道又以新城屏蔽桐廬
與富陽官軍相應令李錫駐守而益以魏喻義二十人布置
甫定李秀成果噉偽聽王陳炳文釋常熟照文之圍急援富
陽且糾集蘇常杭嘉驍賊數萬由餘杭趨安襲新城以抄富
陽官軍之後大隊已踞觀音山口距新城三十里矣四月初
一賊乘大霧由永昌林谷抄出魏李兩軍挫衄遂圍集城下
初三日蔣益澧率高連陞田富陽上援楊昌濬率十營自嚴
州至賊始向臨安遁去方賊圍新城時城中糧僅百餘石楊

昌濬急諭以抗賊裏糧而表但堅守三四日援集即退於是
人心始固其富陽賊當官軍援新城時由新橋出犯熊健益
敗之中洋槍而卒高連陞於是退紮新富適中之地往來策
初七日陳炳文率大股由桐嶺謝聖嶺至洪莊泗州一帶結
壘數十里期與我軍死戰高連陞分左右伏禦之賊大敗時
矢攻富陽不下左侯乃疏言以全局論非重兵由新城臨安
直搗餘杭不能扼杭城之吭而拊富陽之背惟徽體祁駿雖
已肅清而賊由池屬建德犯江西饒景太平石埭等處尚多

距股臣馬步水路僅三萬餘人劉典王文瑞兩軍之在皖者已一萬有奇蔣益澧全軍之攻富陽者亦一萬有奇臣復撥馬步水師助之其餘各營其分撥下游之新城桐廬義橋上游之高安遂安徽州金華外實不敷調遣加以痢瘧相尋是以兵事尚滯七月杪江西一律肅清劉典還歙是時左侯授閩浙總督乃調康國器粵勇馳赴富陽并請法國總兵德克爾用輪船洋礮來助沿江上下形勢以城北雞籠賊壘十餘處最要可以斷其糧道八月初六乃令徐文秀等陸師渡

過江中橫沙繞出富城之北攻雞籠賊壘德克碑由寶塔嶺

脚登岸攻倚城賊壘令劉亮率新橋各營牽制賊勢將益澧

親身督戰江中拖呂廣艇連轟一晝夜城外賊壘悉平初八

日遂將富陽克復乃令劉清亮八營駐紮新橋王月亮兩營

駐守富陽益澧親率大隊進薄杭城十五里而軍此癸亥左

侯循浦江諸暨克桐廬血戰七八月收復富陽之事也富陽

旣左侯方田嚴前進敵皖南賊別股由清溪歙縣過嶺冀為

浙援於是仍留嚴策應專委蔣益澧攻杭分遣康國器魏喻

義由富陽新城進取餘杭盜澧調開家堰西興各營渡江翼
以師船自駐留下前營直逼清波鳳山兩門賊偽王陳炳文
鄧光明汪梅屏等於城外環建木柵并噪餘杭賊死守為犄
角自倉前長橋女兒橋老人坂東塘西谿觀音橋三墩繼至
武林門外北新闕橫至古蕩連營四十餘里八月二十五高
連陞合德克碑路并進拔十里長街賊壘十六移營街之六
和塔萬松嶺等處九月初六賊萬餘由雷峯塔饅頭鳳凰兀
曜等山四路來撲我軍水陸夾擊大敗之初八日朱明亮軍

世威遂軍天馬南屏兩山羅大綱進軍翁家山復派小船三十餘分布萬春廟楊家橋何母橋梧桐村各隘以固運道其餘杭一軍八月初九魏喻義等三路前進連破其花牌樓各卡拔青山老巢直逼餘杭之西其東南故多賊壘尤以近城雙山塔又昌湖兩壘為要二十八日康國器劉清亮弁克之遂移營北岸斷其水道立浮橋據守汪梅洋由杭來援連戰數日皆敗之時苦戰餘杭未下而賊中有流寇花箭一股又由甯國入昌化至白牛橋及於潛之太陽埠其前竄廣德者

復淮堦李璠將為賊援劉興七營行抵續溪穀山湖入湏分
半軍回劉左侯乃奏言杭賊守恃嘉湖救應接濟而餘杭東
南遠杭北通武康德清西通安吉孝豐實為湖杭衝要將益
遣一軍僅能扼杭州西面餘杭各營亦祇圍其東南北路無
重兵也駐兩城往來自要而錢江東岸及富陽新城桐廬等
安遂安各隘皆不得不置兵防守顧臣暫駐嚴州僅千餘人
無可分撥是以戎機尚難迅速賊於餘杭東門至杭州倉前
長橋女兒橋等處添黨欲由何母橋太平橋紀我餘杭諸軍

之後乃令副將周廷瑞於天水橋參將鄧受福於護國橋各
立一壘賊連日來爭受福死之十月十八嘉興賊數萬來援
杭州乘大霧由萬松嶺直撲官軍水陸抵禦大敗之十一月
左侯進駐富陽初十日親至餘杭督戰增調富陽朱明亮四
營進石門橋分水張聲恆四營屯城西北隅以副將劉明珍
嚴州二營瀉安二營移駐分水總兵黃少春克勇一營適皖
南調回亦出分水新城以扼其西路十七日各軍分路齊攻
杭州援賊大敗左侯督戰餘杭半月而北路瓶窰至倉前陞

門一帶援賊益集乃自富陽進駐東西南三路適中之橫溪
圖取瓶窰絕其糧適留楊昌濬暫駐青山令蔣益澧仍回留
下圍杭十二月朔蔣益澧以賊併趨餘杭令高連陞德克碑
水陸進攻鳳山門外賊壘親督馬步各隊列於錢塘門外秦
亭山棲霞嶺一帶以防城內援賊自辰至午疊破賊壘追至
城隍山腳次日各營分屯錢塘湧金鳳山清波等門直距錢
山雷峯塔秦亭山為營圍賊中央又調徐旻秀橫溪五營助
攻古錫初三日楊昌濬又以賊併趨杭州率各隊猛攻餘杭

賊入敗康國器將餘杭通杭州之姚家埭三家廟及太平橋
各賊壘攻克進偃牛販初六日劉培元又以西湖泖港紛歧
易於伏賊令蔣榮彩搜舢板船數十由閘口過嶺入湖獲賊
船刻十餘只二十三日餘杭各軍攻汪梅洋老巢於城北十
里之林清堰自辰至未弗克楊昌濬審視堰上見賊壘阻水
港密林深米路長埭夾岸十五里恐日暮中伏急令收隊賊
果悉銳來攻官軍死傷三百餘左侯奏言餘杭城不堅而地
平衍多溝汪逆於賊酋中最狡悍進攻林清又環溪狹路此

由是未察地利致敗非戰士之罪也甲子正月杭州官軍連日攻城不克二十五日偵知賊援嘉興高連陞乃合德克碑拔望江門外三壘直逼城下二十夜左侯令各軍環攻餘杭賊將死抵禦營兵連喪數人然自是賊力漸竭又加以臘間海寧桐鄉先後投誠杭州右臂已斷於是兩城皆有適意二月二十一日蔣益澧令水陸各軍分路齊攻杭城洋將德克碑轟倒鳳山門三丈我軍死者百餘高連陞王聯芳皆裹傷久戰二十三日益澧復親率各軍環攻至暮大雨不絕是夜

四更陳炳文遂率黨潛啟武林門竄逸二十四日蔣益澂既入省城分軍移屯各門即遣馬隊追剿是日餘杭賊汪梅洋亦啟東門從瓶窰關遁羅大春追至平窰兩城潰賊正在回抗左侯已親率軍至乃再遁左侯乃遣各營疾驅十八里至安溪關關上舊有礮壘在羣峯中賊半伏壘外半伏壘中冀侯宮軍攻壘後後抄襲羅大春先搜伏賊而後進隘二十六日張聲恒等五營分路出安溪關追賊曉霧中伏傷亡二百餘朱明亮左右馳援賊始敗卻左侯乃令楊昌濬暫駐瓶窰

為各路接應并令蔣益澧分兵急攻石門德清規復湖州斷賊回竄之路此左侯自癸亥八月由富陽并攻杭州省城餘杭縣城至甲子二月然後賊同時并竄之事也當杭城未下時海甯踞賊偽會王蔡元隆擁衆萬餘乞降左侯以甯城濱海踞省下游得之可與富陽軍南北合圍亟許之臘月二十七遣知府廖安之往受款派劉樹元張景渠各軍往裏外控制賞元隆四品翎頂改名元吉令率所部八營隨剿元吉自捐口糧兩月並出餘匪遣散資又以元吉前踞太倉曾偽親

款李撫瑞章官軍四百餘憲甚愧懼開誠待之吉益感奮

甲子二月蔣益澧以桐鄉距海甯三十里為杭州通嘉興間

道必得此城始事圍嘉興石門初二日令蔡元吉往剿助以

張榮采各營初六日踞逸何培章乞降將桐鄉城收復餘黨

編章字六營隨剿章自捐口糧三月并以舊轄雙橋烏鎮為

浙西孔道願率眾駐守甯桐既克我軍方圖嘉興湖賊又

金陽浦清等率黨萬餘來犯蔣益澧因令葉炳忠四營蔡元

吉八營回嘉興四守桐鄉二月初七賊自陵疊架浮橋渡復

糾大股攻為鎮連營數十里官軍五戰敗之元吉被創不還
時湖踞賊急欲赴援嘉興扼於烏鎮不得達何培章七營分
四柵築三壘居中守禦賊合十八偽王築壘為之血戰二十
餘日杭城收復始退此杭將復一二月間收降海甯桐鄉兩
城寧也左侯既克杭省即進規湖州時餘杭敗賊分竄武康
德清武康無城地瘠而小然阻水馮二石壘為固當皖南來
路與德清城皆為湖州屏蔽石門界在杭嘉之間亦慮其從
後牽制乃令楊昌濬由瓶窰安溪間進規武康蔣益澧分軍

石門德清李耀南馬步七營出孝豐武康之間截賊竄路二
月二十八李耀南拔箆頭楊昌濬拔上陌進逼武康城時汪
梅洋陳炳文等賊十餘萬聚德清皆西渡來援羅大春砲船
百餘巡至黃洞與之遇急將浮橋折斷賊不得渡三月初三
日踞逆楊芸出降將武康城收復令芸編所部為桂營字隨剿
初五日汪陳二賊遁高連陞亦將德清城克復是日偽歸王
鄧光明降石門縣城亦復其黨并編為數營三城既復左侯
令益澄進攻湖州楊昌濬駐武康令駐守嚴州富安各軍截

剿逸賊十五日逸賊李世賢陳炳文等由績溪昌化圖犯瀆
安遂安十七日總兵王開琳以陸軍扼守歙嶺黃蔚嶺以水
軍由威坪街口沿河直上賊始竄遁其湖州賊自守復德清
後皆退守菱湖青山一帶附城二三十里徧築賊壘并與長
興泗安賊互相聯絡左侯令高連陞率蔡元吉田德清拔菱
湖規湖之西駐軍靈山劉樹元等由石門規湖之南進軍荻
港五月初十賊冒官軍旗幟來襲我師卻之楊輔清大股旬
日之間與蔡元吉血戰六次三十日元吉用降賊李德芳計

燬袁家滙賊壘其石門一路當元吉苦戰時黃久金大股曰
太湖塘楊漫以向軋村圍犯劉樹元後路五月初亦為我軍
所敗時蘇軍進至南淞賊屢由太湖塘繞出林壩後路之陸
家灣與杭二十四日劉樹元克太湖塘楊漫各壘攻至晟舍
於是賊退走泗安梅溪楊昌濬乃自武康率營由箬頭進桐
嶺扼守令劉璈三營周廷瑞六營由黃湖進白水灣直搗孝
豐六月初三兩軍乘夜潛師踰嶺疾至立將孝豐城收復時
安吉廣德踞賊與梅溪泗安賊相連絡湖逆倚為唇齒會長

興縣城已為蘇軍克復左侯乃請蘇軍分攻泗安以牽制賊
令楊昌濬於十八日疾至吉安城下以斷湖之右臂其蔡元
吉自袁家埠進駐東埠後湖賊黃文金見其懸軍深入初十
日大股繞出思溪雙福橋築壘截我餉道是霞港多林密賊
以划船數百四出埋伏軍至輒為所敗連日不能卻十日開
血戰八次蔣益澧乃親率各軍齊抵思溪督戰并令德克碑
以淺水火輪向雙福橋轟擊益澧戰馬中砲數次將士多被
傷亡卒未得勝七月初六益澧以思溪雙福橋難克令高連

陞徐文秀由叢冢瀝荻港分襲賊後并令德克碑小火輪進泊八角亭連日督戰迭次遇伏鎗子貫高連陞右顧十三日蔡元吉見賊急赴叢冢瀝荻港隔水鏖戰先令五百人向思溪突出至河遇賊死者四百是夜蔣益澧復率各軍更番力戰以牽賊勢元吉乃率千人梟水三道衝出皆饑疲無人色益與賊相持二十餘日營中食桑樹皮已六七日矣其伏匿草間積屍下賊退始歸者復四五百人是日蘇軍亦克復晟舍賊壘於是十六日思溪復福賊皆是劉清亮移屯亭子橋

進攻長趨山左侯乃奏言湖州地勢易守難攻賊東據長趨
山毘山表家匯西據楊家庄梅溪泗安安吉北踞廣德南扼
妙喜峯和平兩鎮為犄角現時蕪軍距湖最近者惟大錢湖
口之水陸各營浙軍之最近者為東路日月山各營此外皆
二三十里或十餘里蘇軍自克晟舍後西北路日事鏖戰李
鴻章毅然以攻取廣德自任尤為制賊要着惟查偽幼主洪
福瑱自金陵復後於六月二十一日由東壩逃至廣德二十
六日黃父金迎入湖城悍酋積匪萃聚其中因七月初二戰

敗仍避往廣德似有急竄之意蘇浙兩軍自湖城北面迄東
及東南一帶水陸合成長圍惟西路山險地闊又安吉一城
未復其昆連之甯國并無防兵竄甚速恐防不及防又成不
了之局幸江西賊勢已衰臣軍之援江西者除劉典一軍尚
在滬外其王德王開琳兩軍可就近調赴婺源馬金攔堵劉
明登各營現駐常山江山邊隘可移至嚴州截剿湖州之賊
倘能全股盪平自當會同蘇撫入報若僅收復一城則當跟
踪追剿不准各軍居功惟時城外各賊見我日盛紛紛乞降

七月二十七日城賊遂開西門遁竄矣此甲子二月左侯復
杭省收降武康德清石門進攻湖州合蘇軍洋將大小數十
戰逾半年賊遁始收復湖城之事也湖城復後蔣益澧即率
名營追賊二十八日抵梅溪賊已連夜登岸偽堵王黃文金
黨十餘萬奉偽幼主由甯國墩千秋關黃花關以出昌化白
牛橋譚體元黨三四萬由甯國胡樂司小山羊以出瀆安威
坪俱謀竄徽其時安吉踞賊亦於二十八日向孝豐竄千秋
關楊昌濬收復安吉於三十日疾驅七十里大敗之孔夫關

八月初楊芸覽黃文奎於白牛嶺其弟黃文英代領其黨初

八日黃少春自威水陸三路齊出蜀口斬譚體元於洪橋頭

獲大小賊目百五十人初十日英文自蜀口凹處上灘爭渡

黃少春陣斬之十七日賊由歙境踰歙嶺至遂安之樟村黃

少春亦於是日馳抵遂之十七都十八日敗賊於東亭降二

萬人而賊前隊已竄入開化城另一股趨華埠玉山一股向

七都球去矣二十一各軍收復開化次日出常山設伏敗之

於草坪關二十五又敗之於廣豐五都街追後李世賢汪梅

洋李維遠等奉洪瑱竄閩竄粵左侯復移節嘉應殲之事平
左封一等伯肅清新疆晉封二等侯蔣益澧劉興楊昌濬皆
膺疆寄此復湖後收復安吉賊由皖南趨江右閩粵我軍窮
追一月開化失而即復之事也當左侯未入浙時衢州旋復
旋失温州金錢會匪亦入平陽瑞安城擾及各邑為如虎擊
敗至辛酉九月衢州再陷賊遂屯磐湖大港頭連營數千里
壬戌正月二十日賊陷青田由界牌疾趨七十里撲溫秦知
完禦之賊連攻三日不克時松楊賊陷雲和擾及景甯台州

賊亦由黃巖至樂清之大荆溫勢益急閩都虞璠調吳鴻
源師船二十隻來溫二月十七親至浦城調度二月十六青
田賊至瑞安白沙嶺擾及河上橋張啟煊敗之於陶山隘三
月二十五樂清賊大股至韓埠瞿溪撲溫州城并另股圍瑞
安同日又分黨三四萬陷遂昌將由龍泉入閩李世賢方連
日與左軍血戰於江山復率黨十餘萬來助林文察迭次敗
之四月初二收復遂昌賊遂走松楊時瑞安賊衆數萬聞節
令李朝安喜勇十五百并溫州師船堵禦十二日張啟煊營

陷退守瑞安賊遂由瞿溪圍溫州城外結營二十里城內糧
絕半月閩督復調曾元福台勇千三百援瑞安守備卞光棻
春勇六百赴溫奏言賊撲溫州并大股犯瑞安瑞興平陽僅
隔一江枕近福甯恐其沿江偷渡徑襲平陽以窺閩境於是
勇練之守瑞城者二萬守沿河各鄉者二萬四月初十民團
收復緝雲十二日水師扼瞿溪賊收復青田十五日又用船
入黃花關克樂青并復盤石衛於是賊解瑞安圍遁其松陽
賊閩督以其地遙應金蘭近衛處郡龍泉門戶所關乃令曾

福扼遂昌援賊令林文察進攻松陽之界首時賊五股號十
餘萬守洋澳馬埠舊市三壘為犄角文察十日七戰拔之以
宣平賊抄我軍後不敢攻城賊復由桐嶺及登頭金角山等
處紮解謀襲平陽時張啟煊在瑞安率沿江勇扼守遣船在
飛雲江上下截擊連戰三日二十日賊復分股并犯溫州瑞
安兩城秦如虎半月八戰卻之六日賊另股陷景寧十四日
陷雲和均與閩省接閩督令張銓慶督龍泉慶元兩縣兵團
弁調回松陽白英一軍由龍泉進剿兩城先後收復閩督乃

令秦如虎由青田秦順進白瑛等由景寧雲和進同歸處州
又令廖士彥由衢州進駐遂昌為後援使林文察進攻松陽
時左侯進剿方急賊酋喇天豫譚體元聚天福等衆九萬連
營七十餘里將乘靈窺閩并圖旁襲龍遠越江山抄左軍後
我軍連攻七十餘日弗克文察等所部台灣勇五千槍砲精
熟自六月初十日連戰九次伏軍南坑奪其處州接濟糧械
用獨輪車掛濕綿排推以蔽砲子連拔其舊市葉川頭等卡
二十日遂復松陽其處州各軍十四日秦如虎進至石帆至

時文察復撥二千人與白瑛軍由大港頭進松陽民團弁領
號衣充隊二十日收復宣平截賊竄路遂於七月十九收復
處州府城惟縉雲東鄉踞匪尚恃廬塘為巢六時慶瑞移督
廣東代者為耆齡九月十四姜子豹克復廬塘溫霞遂肅清
溫霞本非賊所注意祇因閩省大軍駐守浦城左軍又專恃
衢州為根本賊故以大股久屯松陽力爭平瑞以圖牽制及
兩軍平閩兵猶萃聚浦城癸亥夏左侯接耆齡任始於閩軍
二萬餘中裁存康秦林等八千人令進剿別郡此壬戌春夏

間閩軍肅清溫霞事也其台州各屬專由民團克復初團紳
蘇鏡蓉陶寶登吳琮等二十五人相尚任俠好庇邑中無賴
為爪牙甯國設防寶登帶勇往堵戰守數載吳琮父為賊殺
復仇尤切辛酉冬賊由韶新昌嵯縣入天台郡屬盡失蓉等
乃集練剿賊先餉賊於要津人饋一餅以覘其數又送賄入
城以窺虛實十一月賊復糾黨三萬入天台吳琮等練衆十
餘萬大敗之壬戌正月初八收復天台段賊七八千四月初
三民團復集收復仙居同日并復太平初九遂水陸齊進收

復府城初十收復黃巖十五收復寧海由蘇撫薛煥自滬入
奏擢令各團紳暫官其地然是震匪風至今未靖亦即因之
矣當天台未復時鏡蓉寶登先復黃巖太平旋復為賊破退
駐黃巖之三江口以砲船扼賊南竄之路壬戌二月十四寶
登復倂率死士四百低巖降賊十九日約三江口砲船內應
賊大懼退守府城蓋是閩左兩軍方大舉前進寧團又合洋
人攻紹台州地震辟遠李世賢故不甚與較此壬戌春夏間
台團收復郡邑之事也其寧波一軍賊至辛酉冬由紹入奉

化郡屬盡失惟定海以隔海僅存時游擊布興有兄弟以砲
船收潰卒七百至定海固守之壬戌二月二十四賊船至舟
山直犯懿城甯紹道張景渠歟之四月初九甯波知府林鈞
等率戰船由定海直指鎮海先募人釘招寶山賊砲火門民
團集者數萬初九日寅刻復鎮海即日乘潮進取甯波時夷
船多泊北岸界河下必俟賊砲及其船如肯助我郡紳鄭義
門及許銀六萬兩於是洋人應募出助自辰申轟塌城垣十
餘丈洋兵民團遂復府城英國陣亡參將水師等三人法國

傷副將水師等十七人陣亡二人我軍死百餘人於是專請
輪船協剿十五日收復慈谿民團另於十四日收復奉化十
五日收復象山甯境咸復張景渠乃率師進取餘姚赴上海
募勇並邀外國兵船及洋副將華爾在松江所練常勝軍會
剿餘姚新舊兩城隔水屹立賊於水隘下椿兩岸築壘固守
我師船初五抵岳江初六冒砲拔賊木椿先克新城繼克舊
城遂復餘姚賊上虞八月中旬景渠方擬盡守餘姚江而賊
連日率大股由上虞來撲復分賊三路一先屯餘姚境牽制

賊師一向秦公嶺犯奉化一繞僻路二十五日復犯慈谿中
外官兵逐一面扼守餘姚四門鎮一面折回寧城守禦二十
六日英總兵叅樂德克及副將華爾赴慈谿與賊戰於距城
二十里之半浦大西壩二十七日再克慈谿城英將華爾中
礮死其秦公嶺賊二十七踰嶺由谿口再陷奉化知縣侯永
清化之賊進屯南北渡距郡城四十里閏八月初一復從小
路至標社距郡城十五里直撲郡城中外軍合擊賊仍退守
奉化十六中外兵船進攻奉化苦戰三日再將奉化克復英

兵頭那師及洋兵死十一人傷二十餘人我軍死傷數十人
自奉化復陷台屬甯海天仙俱偪賊氛閏八月東陽嵎縣賊
屢由新昌偪天台民團三次敗之閩督耆因遣游擊甯世杰
楚勇一千秦如虎心勇五百由甯海赴天台協防時四門鎮
已陷甯波中外軍乃擬向上虞以討為防十月初一收復上
虞稅務司日意格受傷新昌嵎縣與天台上虞接壤上年團
練屢復新昌迭為賊踞至時賊復由新昌煙山墅嶺兩路攻
天台團紳敗之再復新昌初八日乘勢收復嵎縣十一月下

旬張景渠進屯百官率中外軍薄紹興府城法將權華總兵
勒伯勒東以上虞賊遣士礮往炸殺我軍挫衄乃以法權副
達爾地福代統花頭黃頭兩隊甲子正月初三達爾地福連
日以車輪砲轟城中鎗殺兵頭洋兵五人俱死東關百官為
彌諸軍并潰楊叔懌退駐斗門張景渠退駐三江城城匝僅
里許距斗門三里賊由蕭率大股來攻中外軍死戰迭勝於
安昌城會上海洋兵洋砲來剿日衆賊黨楊應珂乞降遂於
二十六日收復紹興獲助逆黑夷數十人二月張其光乘勢

克復蕭山時諸暨已為左侯克復絕境蕭清蓋絕蕭相去百
里孤城難守又長江水直下兩渡將斷加以數日前左侯連
下金龍湯蘭堅城進至諸暨賊急救富陽保杭省力難兼顧
也當浙省陷後諸暨義民色立生據色村阻水與賊死抗感
名甚著後卒為賊所殲左侯奏言民團必須良將吏以維持
之信然與波洋隊較各營勇餉加昂人多歸之中外月糜至
八萬餘金左侯乃令浙江提督葉炳忠及張景渠等進規杭
省又以廣勇與外國兵頭構釁奏請不必俟省城收復先將

寧所練洋隊千五百人遣撤此士成寧團合洋人肅清紹之
事也其嘉興各屬蘇撫李鴻章收復蘇州後癸亥七月十二
令編修劉秉璋進楓涇北官塘圍嘉興設浮橋渡河嘉善平
湖乍浦等賊分路來援踞西窰壩亘二十里我軍十八日進
西塘太湖水師兩營來會破其千窰柵嘉善城東鎮曰張涇
十一月初四劉秉璋曰張涇往破之秉璋傷股初七賊張殿
選乞降收復平湖十二賊熊建勳降收復乍浦并復海鹽澈
浦李鴻章疏言平乍海三賊犄角與浦東金山接壤為港後

路折東省北沿海之蔽今既收復應將降首陳殿選改名陳

恩榮令率所部進圍嘉興於是進千窰洪家灘截嘉善援賊

進克平望二十八陳占榜降收復嘉善其嘉興一路侍清潘

鼎新拔賊沈蕩壘二十六進屯新豐及王江涇甲子二月連

戰九次嘉湖賊十餘萬死抗總兵程學啟率軍縛草藤行搶

築護城堤圍轟守備姜寶督戰不力斬以殉於是二月十八

遂克嘉興戮偽王廖發受賊惡遁湖州時左侯攻抗省垂破

未能兼顧乃咨請李撫乘勢剽湖李撫派郭松林三十營由

宜興規湖之長與以潘鼎新攻吳江平望分紮南潯震澤長
興居太湖西岸距湖州六十里與蘇之宜興溧水皖之廣德
連界湖賊倚為犄角故先攻之以防其西竄於是又調太湖
水師營淮揚水師四營由夾浦進剿長興又以潘鼎新南
潯軍薄加派聶桂榮水陸五營屯湖濱之吳淞賊傾巢來爭
連戰五日其太湖水師亦於三月初九日狹浦與賊戰於象
公石斫葦填河破之并進駐湯橋烏溪以防廣德泗安援賊
十一日鄒松林等進偪長興賊十日七戰湖賊傾巢來援俟

其氣衰敗之架浮橋攻城二十四日遂收復長興蓋自六月
十六日金陵收後髮匪餘孽俱以湖州為巢穴以長興可通
廣德橋為生路故拚死抵禦也是時左侯復抗已由德清菱
湖迤徧湖州李撫乃令劉錫傳攻泗安潘鼎新由吳淞力爭
吳會大錢又令張樹聲由南潏進屯織里與浙軍合圍湖州
又以尹隆橋為泗安通湖要路連日五戰克之會賊遁七月
二十七遂由昇仙八里店合浙軍收復湖州時李撫已封一
等伯其後劉東璋劉銘傳潘鼎新張樹聲等皆將列疆寄此

癸甲兩年蘇軍收復嘉興與浙軍合取湖州血戰數月之事也初左侯在江西勇僅八千月給餉五萬奉命入浙時已欠餉六個月時擬添蔣劉諸軍二三萬須餉二十四五萬

上諭聞粵江西各協月餉十萬兩湖月餉三萬然各省力難兼顧先後僅得三百萬壬戌正月令知府鐘世楨設糧台於廣信令知縣章徵設轉局於玉山灘高水淺一舟僅載米十餘石惟玉山至常山可用小車餘皆挑負以前乃請部給封典翎銜劄付委員蒞成勸捐先後得各項捐銀百七十餘萬

衢防隱園又令同知李壽榛設立牙釐局變通牙帖成案并
官辦歐鹽運銷江西引地凡收復郡邑皆次地推行先後收
釐金百四十萬牙帖鹽課各十萬而各款一時未能彙集癸
亥臘竟欠勇餉至九伯月癸亥六月浙東肅清令道賈王加
敏蘇式敬移廣信糧台於衢州時甯紹月餉六七萬左軍所
部月餉三十萬乃奏請緩解甯波海關銀五十餘萬直至杭
省全復裁勇四十餘營又裁兵額十分之四而加半其餉令
知府高卿培增訂釐局章程將南北新關歸釐局併收劃解

又創行泉鹽課釐併收新舊錢漕藩庫撥解銀有數萬於是
稍足敷支共計左軍自辛酉十二月入浙至甲子六月支勇
弁口糧薪水六百二十餘萬軍械礮火船隻六十餘萬勇練
賞卹六十餘萬遣撤降賊三十餘萬通共七百七十餘萬兩
此左軍先後籌餉之事也李秀成初入浙三日後即禁止殺
掠佃田租十分之二貨釐十分之一按丁助役蘇杭初克皆
發帑十萬賑撫借給籽種招墾民頗安之及大軍進剿官兵
迭相殺掠牙遺遂少迄今承平三十年而始於潛昌化臨安

武康安古孝豐等凋殘之邑尚多率皆土著不及三分之一
童生不敷學額左侯甫抵開遂即勻撥錢米賑濟之衢圍解
奏定章程十二條城鄉各設同善堂一日收養幼孩八歲以
下皆准收留人日給米半斤鹽菜錢八文兩人共絮被一床
願作子者准援道光時成案給與執照宗族不得阻撓一日
收養婦女教以紡織變價歸局願養作女媳者由官給與執
照一日恤養孤寡由地保寫緣簿准其沿門乞食一日收埋
皆給塋塚深四尺者給錢二百一日增設茶釐稅每百斤加

錢五百一增船稅每船可載百石者加錢四百一勸捐祠廟
義租三分之一一捐錢八十千至二十千者量給六品以下
功牌以上皆充善堂之用一販賣搶掠人口者斬一詐索受
脅紳民者罪一兵勇擾害閭閻者誅一屠宰耕牛者罰凡所
復城邑皆著為令由歐鹽項下邑給錢二百緡為之倡及克
嚴州又奏罰楊坊俞斌毛象賢等十數人以為膜視難民者
戒矣亥冬歸者日衆人將相食楊昌濬復創以商代賑之法
採買銅鐵錫鉛茶葉并絲綢女珠茶以米給值以茶濟餉得

銀四五萬存活頌眾省城收復即嚴禁攜帶婦女器物出城
杭城舊日居民八十萬亂後僅存數萬旗城無一存者乃為
義塚葬之岳王墳及淨慈寺之側又給民間籽種牛食蓆片
招商開市并修葺城垣衙署以土貸賑設立清賦局荒者招
墾蠲糧熟者按稅則酌減三分之一舊日浮稅悉省並提釐
金十分之一永充善舉歲可二三十萬塘土係蘇杭七郡所
關則於塘身內加築土脩堤一道當時善款以賊遺糧食為
大宗除散賑外尚得變價銀三十四萬餘兩而時有紳商胡

先壩者以店毀起家大軍入浙繳還所領王故撫買米銀六萬左侯任云不數年富至千萬杭省復後善舉多壩所為首復牛車舊制不敢涉錢江者蹀躞泥中嘉湖蠶桑復業與洋人競價收買使絲價倍於往昔雖其家即以此落而杭絲歲得洋價二十萬受賜者多矣此事乃善後撫卹之事也

論曰江浙地相表裏江南陷而浙江數年無事此天假我也使隄撫得人擇吏之有膽略者為守令紳之謀勇者辦團防就保甲中選其驍健者為練勇設立五軍以四軍分布衢嚴

嘉湖境外一軍居杭策應以討為防軍各數千人皆數月以
易輪用練勇以習膽技而就約束浙省故有旗綠營兵五六
萬亦分班置之防所巡撫不時往來其間以討軍實各郡衝
要之地又令紳民徧築碉堡堅壁清野剔除鹽漕襍稅陋規
酌抽釐捐濟用無事則防堵之氣常新有事則團練民堡節
節固守雄封千里雖屹立于分崩之世可也乃上下互以私
情為汲汲以私情相牴戾雖有管樂之才責獲之技無由自
見卒至省垣一再淪陷全浙印墟雖曰天數亦人謀之不臧

矣左侯受特達之知愛才命士皆樂為之用然血戰於開遠
衛常者六七月頓兵於龍湯金蘭者又六七月力攻富陽者
又八九月并爭餘杭省城者又六七月連中外鄰省之兵合
剿湖州者漫六七月而賊之逸竄閩粵者仍數十萬未得聚
而殲之當時逆酋如李秀成李世賢陳炳文汪梅洋譚體元
黃文金輩類皆濶達高氣概狡計百出得人死力累戰不疲
使為我用儼然一良將也嘗謂人才之在下猶堤之障水久
則必潰古今不百年輒一亂蓋以此也抑又聞之兵者機也

幾至而先得者勝。魏逆雖淪陷十餘省而未嘗得濱海口岸。與洋人相接。甫得甯即。用黑夷數十守。紹使非。迅收洋人克。復甯波。則賊將以蘇杭絲茶之利為餌。藉其兵力船砲。四出牽制。甯波又明時倭奴熟。首平賊之期。正未可知也。今者承平數十年矣。回思致亂之由。平亂之迹。輒為撫往事而低徊者。久之揚制軍昌濬。故有平浙紀略十六卷。用摭其大概。著為一篇。褒譏悉依舊本。立功將吏自有原書在。